

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 54. sjednici, održanoj 24.02.2012. godine,
d o n o s i

ZAKLJUČAK

I.

Usvaja se Izvještaj o realizaciji Programa utroška sredstava za kapitalna ulaganja za 2011. godinu, Ministarstva za pravosuđe i upravu, pozicija “Nabavka zemljišta”.

II

Izvještaj o realizaciji Programa utroška sredstava za kapitalna ulaganja za 2011. godinu, Ministarstva za pravosuđe i upravu je sastavni dio ovog zaključka.

III.

Ovaj zaključak stupa na snagu danom donošenja.

Broj: 02-_____/12.
Datum, 24.02.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za pravosuđe i upravu,
1x Ministarstvo finansija,
1x a/a.

ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU

IZVJEŠTAJ
O REALIZACIJI PROGRAMA UTROŠKA SREDSTAVA ZA KAPITALNA ULAGANJA ZA 2011.
GODINU, MINISTARSTVA ZA PRAVOSUĐE I UPRAVU,
POZICIJA "NABAVKA ZEMLJIŠTA"

Budžetom Zeničko-dobojskog kantona za 2011. godinu, na poziciji "Nabavka zemljišta" Ministarstva za pravosuđe i upravu, planirana su sredstva u iznosu od 100.000 KM za projekat pod nazivom: "Nabavka zemljišta za dogradnju zgrade Općinskog suda u Zenici i nove zgrade Kantonalnog tužilaštva u Zenici, te gradnju Kantonalnog suda u Zenici", a Zaključkom broj: 02-14-14027/11 od 19.05.2011. godine i Odlukom broj: 02-14-14181/11 od 19.05.2011. godine, Vlada Zeničko-dobojskog kantona je usvojila Program utroška sredstava za kapitalna ulaganja za 2011. godinu, Ministarstva za pravosuđe i upravu i odobrila finansijska sredstva u iznosu od 100.000 KM.

Međutim, Izmjenama Budžeta Zeničko-dobojskog kantona za 2011. godinu („Službene novine Zeničko-dobojskog kantona broj: 17 /11), finansijska sredstva za gore navedenu namjenu umanjena su na iznos od 82.260 KM. U skladu sa Izmjenama Budžeta za 2011. godinu, a na prijedlog Ministarstva za pravosuđe i upravu, Vlada Zeničko-dobojskog kantona je 30.12.2011. godine donijela Zaključak broj: 02-14-33113/11 o izmjeni Programa utroška sredstava za kapitalna ulaganja za 2011. godinu, na poziciji „Nabavka građevina“, kao i Odluku broj: 02-14-33133/11 o izmjeni Odluke o odobravanju finansijskih sredstava za te namjene, u kojoj su odobrena sredstva u visini od 82.260 KM.

Ministarstvo za pravosuđe i upravu je 13.06.2011. godine, podnijelo zahtjev za dodjelu građevinskog zemljišta neposrednom pogodbom u svrhu dogradnje sadašnje zgrade Općinskog suda u Zenici i nove zgrade Kantonalnog tužilaštva Upravi za imovinsko-pravne, geodetske poslove i katastar nekretnina Općine Zenica. Nakon provedenog postupka, te na osnovu pribavljenih isprava, nalaza i mišljenja vještaka geodetske struke, Ministarstvu za pravosuđe i upravu je dodjeljeno zemljište u ukupnoj površini od 1.014 m² uz naknadu od 81.120 KM . Saglasnost na rješenje o dodjeli zemljišta je dalo i Kantonalno pravobranilaštvo.

Utrošak sredstava u 2011. godini za projekat "Nabavka zemljišta za dogradnju zgrade Općinskog suda u Zenici i nove zgrade Kantonalnog tužilaštva u Zenici " se vidi iz tabele:

Redni broj	Naziv	Odobrena sredstva	izvršenje	% izvršenja
1	Naknada za dodjeljeno zemljište za dogradnju zgrade Općinskog suda u Zenici i izgradnju nove zgrade Kantonalnog tužilaštva	82.260,00	81.120,00	
2	Troškovi postupka		1.140,00	
	UKUPNO:		82.260,00	100

Dakle, za izvještajni period I-XII /2011. godine, index izvršenja je 100% i odnosi se na napred navedeno, kako bi se obezbijedila dogradnja zgrade Općinskog suda u Zenici i izgradnja nove zgrade Kantonalnog tužilaštva.

Posljednjih godina, evidentno je da Općinski sud u Zenici ima nedostatak radnog prostora i jedini način da se isti riješi jeste dogradnja postojeće zgrade suda. Isto tako Kantonalno tužilaštvo nema trajno riješeno pitanje smještaja obzirom da je sada smješteno u zgradi bivšeg SDK, tako da se Ministarstvo odlučilo na gradnju nove zgrade i trajno rješavanje radnog prostora Općinskog suda u Zenici i Kantonalnog tužilaštva. Gradnja istih se planira u narednim godinama.

Broj: 06-14-33113-2/11
Datum, 15.02.2012. godine
Zenica

MINISTAR

Miroslav Penko